

## BiH izabrana za nestalnu članicu Vijeća sigurnosti UN-a

15/10/2009 20:22 by Administrator

Najvećte vanjskopolitičko dostignuće BiH od njenog osamostaljenja 1992. Sa 183 glasa "za" Generalna skupština Ujedinjenih naroda već u prvom krugu izabrala je u četvrtak Bosnu i Hercegovinu za jednu od pet novih nestalnih članica Vijeća sigurnosti, s mandatom od 2010. do 2012. godine, saopćeno je iz Ministarstva vanjskih poslova BiH. Bosna i Hercegovina predstavlja Istočnoevropsku skupinu zemalja u UN-u. Do kraja ove godine ovu skupinu, koju čine 23 zemlje, predstavlja Hrvatska.

Zbor za nestalnu članicu Vijeća sigurnosti OUN-a predstavlja nesumnjivo najveće vanjskopolitičko dostignuće Bosne i Hercegovine od njenog osamostaljenja 1992. Ovom rezultatu prethodio je čitav niz važnijih koordiniranih diplomatskih aktivnosti s osnovnim ciljem da se naša zemlja prepozna kao vjerodostojan partner kojem se može povjeriti članstvo u Vijeću sigurnosti OUN-a.

U toku kampanje iskorištena je svaka prilika na bilateralnom i multilateralnom nivou da se zatraži podrška za kandidaturu BiH, te je na taj način osigurana pisana podrška više od 100 zemalja.

Nestavno članstvo BiH u Vijeću sigurnosti OUN-a ima neprocjenjiv značaj, a BiH će u toku dvije godine biti među onim zemljama koje će odlučivati o svim najvažnijim pitanjima svjetske politike, rekao je ministar vanjskih poslova BiH Sven Alkalaj koji je prisustvovao glasanju.

Ministar Alkalaj je dodao kako će se značajni stavovi i naš glas čuti ne samo u zgradi UN-a u New Yorku nego i čire. Upješno obavljen mandat nestalne članice Vijeća sigurnosti ojačat će imidž, ugled i utjecaj BiH u svijetu i otvoriti nam mnoga politička i ekonomska vrata koja bismo inače veoma teško otvarali.

Autor: Srna/Fena

Izvor vijesti: Dnevni Avaz